

宜其辭之不誠而形迹區區甚可咤也

荅曰卿久掌國財而戶曹亦非如刑曹之煩劇何不能察乎戶判  
燕都揔管前亦有之尤不當辭也○傳于政院曰今者有旱徵伸  
理冤獄事言于刑曹京城造佛人前已被刑物故今又物故云愚  
民不知國法而然也首倡者決放橫罹者分棟事言于憲府城上  
所

史臣曰執左道以亂民者王法之所當誅也輦轂之下公然造佛  
豈可以愚民而不治哉此必奸富之徒有所為而然也上不  
之察而欲釋枉感之罪可謂姑息之仁不可訓也

○夜異方坤方如火氣

戊子 上御朝講掌令魚季瑄曰近日聞閭閻有新造佛像者  
令書吏捕得於長通坊近處男女百餘人設新造像大張佛事  
遂捕五六人又聞鄉校洞亦為如此又捕致四五人或刑訊一  
次或二次而二三人致死其中冤悶者昨日亦已分揀右等人  
不計國法而略無忌憚聞都城內有新造寺刹者時未摘葢不